

ԵՐՎԱՆԴ ԳՐԵԿՅԱՆ

ՈՒՍՈՒՇԻ ՃԱԿԱՏԱՍՄԱՐՏՆ (պատմա-համեմատական վերլուծություն)

Ուրարտական պետության ռազմա-քաղաքական պատմության կարևորագույն դրվագներից է ուրարտա-ասորեստանյան հակամարտության բարձրակետ դիտվող, ասորեստանյան արքա Սարգոն II-ի կողմից մ. թ. ա. 714 թ. ձեռնարկված արշավանքը դեպի Ուրարատ: Պատմագրության մեջ այն հայտնի է Սարգոնի «VIII տարվա արշավանք» անվամբ: Դրա մանրամասն նկարագրությունը մեզ է հասել Աշշուր աստծուն ռդված զեկույցի տեսքով՝ արքունի մեծ դպիր Նաբու-շալիմ-շունուի հեղինակությամբ:

Արշավանքի կարևորագույն դրվագներից է հակառակորդ բանակների բախտորոշ հանդիպումը յուրահատուկ մարտավայրի վերածված Ուաուշ լեռան փեշերին²: Ուաուշի ճակատամարտը հայտնի է իր շրջադարձային նշանակությամբ՝ ինչպես արշավանքի հետագա ընթացքի, այնպես էլ երկու տերությունների համար. այն մեծապես պայմանավորեց նրանց անցնելիք պատմության հետագա ուղին:

Ասորեստանյան աղբյուրը պահպանել է ճակատամարտի դրվագների սուղ նկարագրություն՝ շաղախված ասորեստանյան արքայի, նրա տերության և աստվածների հզորությունը փառաբանող զանազան պատկերավոր արտահայտություններով: Այնուամենայնիվ, դա բավարար է համարվել առաջարկելու ճակատամարտի մի քանի վերակազմություններ: Նման փորձ են կատարել Հ. Ու. Ֆ. Սագսը, Կ. Լ. Հովհաննիսյանը, ճակատամարտի ընթացքի երկու վերակազմություն է առաջարկել Ջ. Բ. Սմիթը⁴:

Ուաուշը, մեր համոզմամբ, չի պատկանում ճակատամարտերի այն շարքին, որոնց ելքը վճռում էր այս կամ այն կողմի թվական գերազանցությունը, ռազմական առավել կազմակերպվածությունը, զինվածությունն ու զինվորների քաջությունը: Մարտի ելքը վճռել է այն վարելու հմտությունը, պարտադրված տեղանքը հակառակորդի դեմ օգտագործելու կարողությունը: Այս առումով Ուաուշը հանդիսանում է ասորեստանցիների փայլուն իրագործած ռազմական գործողություն:

Ասորեստանյան բանակը.

Մասնագիտական գրականության մեջ որոշակիորեն լուսաբանված են ասորեստանյան քանակին, նրա զորատեսակներին, կազմավորմանը, զինվածությանը, սեպագիր աղբյուրներից հայտնի ռազմական տերմինների ստուգաբանությանն ու մամնատիպ հարցերի վերաբերող ոլորտներ⁵։ Սեր խնդիրը չէ դրանց վերաբերածումը, ուստի և հարցին անդրադառնում ենք ըստ աներաժեշտության՝ վարձելով հստակեցնել մեր պատկերացումները Ուատուշում ասորեստանյան քանակի զորատեսակներին, էթնիկ կազմին, հմարավոր թվաքանակին, զինվածության մասին ևն։

Ուատուշի ճակատամարտը մղած ասորեստանյան քանակի զորատեսակներին վերաբերող տվյալները քիչ չեն։ «Լուվրի աղյուսակին» տարբեր հասվածներում հիշատակվում են մարտակսաքեր (^{GIS}GIGIR^(MES) = narkabtu)⁶, ասորեստանյան հեծելազորը (PIT.HAL.LU^(MES) = ^{LU}peṭhallu)⁷, բուն ասորեստանյան հետևակը (^{LU}kallāb/pu)⁸, ոչ-ասորեստանյաններից կազմված հետևակը (^{LU}zūku CĪR^{II} = šāb šēpe, zūk šēpe)⁹, որոնց թվում՝ նետածիզներ (šāb ^{GIS}BAN = šāb ^(GIS)qašti)¹⁰, տեգավորներ կամ միզակակիրներ (nāš ^(GIS)asmare)¹¹, որոնք երբեմն մույնացվում են վահանակիրների հետ (šāb ^(GIS)aiṭi), և պարսատիկավորներ (nāš ^(GIS)kabābi)¹²։ «Լուվրի աղյուսակում» աշխարհագրորդ արտահայտվել է šāb hūb/psi¹³, առաջապահ զինվորները՝ sagbū տերմինով¹⁴։ Ընդհանրական նշանակությամբ են կիրառվել «ռազմի զինվորներ» (šāb tašāzi), «ռազմիկներ»¹⁵ (^{LU}qurādu) բառերը¹⁶։ Ասորեստանյան քանակն ունեցել է սակրավորների և զուսակավորների միավորումներ, առանձին խումբ են կազմել հետախույզները, տարբերակվել է արքայի թիկնապահ զուռը ևն։ Արշավանքին մասնակից ասորեստանյան զինվորների պատկերները կարելի է տեսնել Մուծաժիրի նվաճումն ու կողոպուտը պատկերող բարձրաքանդակներում¹⁷։

Սարգոնյան դարաշրջանում ասորեստանյան քանակի հիմնական միավորն էր զուռը (kisru)՝ զնդապետի (rab kisri) հրամանատարությամբ։ Հիշատակվում են նաև խմբապետ (ներ) ի (rab urāti), հազարապետ (ներ) ի (rab 1. lim), հարյուրապետ (ներ) ի (rab 1. me'at), հիսնապետ (ներ) ի (rab hanše), տասնապետ (ներ) ի (rab eširti) գլխավորած միավորումներ¹⁸։ Kisru-զնդի ճշգրիտ թվակազմը, սակայն, անհայտ է։ Ասորեստանյան քանակի անձնակազմին վերաբերող ցուցակներից մեկին համաձայն առանձին զորահրամանատարների գլխավորած միավորումները կարող էին ունենալ 300-ից մինչև 4.100 զինվոր։ Միավորումների հիմնական մասում նրանց թիվը տատանվել է 1.100-ից 1.500-ի սահմաններում (ցուցակում նշված զինվորների ընդհանուր թվաքանակը

կազմում է մոտ 34.000, ընդ որում, տեքստը պակասավոր է)¹⁹: Աղբյուրը չի նշում առանձին միավորումների անվանումները: Ուստի և դժվար է ասել՝ արդյո՞ք գործ ունենք *kišru*-զնդերի հետ, թե ոչ²⁰: Համեմայն դեպս, զինվորների՝ մեզ հայտնի աստվելագույն քանակը, որն ընդգրկվել է *kišru*-ի կազմ, հասնում էր 1.119 մարդու²¹:

Ասորեստանյան զորամիավորումներից հիշատակվում է նաև *pirru*-ն: «Լուվրի աղյուսակի» վկայությամբ նման միավոր է առաջնորդել Ուսուշի ճակատամարտում Սարգոնի խորթ եղբայր (*ahū iālīnu*) և «մեծ նախարար» (*SUKKAL.MAH* = *sukkalmaḥḥu*) Սին-ախ-ուծուրը²²:

Սարգոնյան ժամանակաշրջանի աղբյուրների համաձայն, *sukkal* տիտղոսը կրող անձինք իրականացրել են զինվորական-հրամանաարարական գործառնություններ՝ առաջնորդելով ասորեստանյան տերության տարբեր մահանգներից հավաքված զորքերի²³: Դրանք, ըստ Կալխուից հայտնաբերված «Ջիների ցուցակի», տարբերակվել են այն զորքերից, որոնք հավաքագրվել էին բուն ասորեստանյան տարածքներից²⁴: Այսպես կոչված «մահանգային զորքերը», որոնք ներկայացնում էին Ասորեստանին ենթակա և նրա կազմի երբեմնի անկախ էթնո-քաղաքական միավորների (Կարքեմիշ, Դամասկոս, Սամարիտ, արամեական, քաղդեական ցեղեր ևն), խիստ մարտունակ ուժեր էին՝ զրեթե ամբողջությամբ ոչ-ասորեստանցիներ: Ասորեստանյան իշխանությունները տերության արևմտյան տարածքների ռազմունակ, տեղաբնիկ կամ կիսաքոչվոր ցեղերի այս զինվորներին օգտագործում էին այլ ճակատներում՝ տեղավախելով նրանց, օրինակ, արևելյան սահմաններ: Ջամուայի մահանգապետի հրամանատարած զորախմբում ոչ-ասորեստանցիները (800 հոգի՝ իթու՛ա և քուրրա՛ ցեղերից) զերակշռել են ասորեստանցիներին (630 հոգի): Պատկերը նույնն էր քանակի այլ միավորումներում ևս: Նման կազմ է ունեցել, օրինակ, Ջամուային սահմանակից Արգուխինա մահանգի զորախումբը, որի մասնակցությունը Սարգոնի «VIII տարվա արշավանքին» կարելի է ենթադրել: Մեզ հասած գեկուցագրի համաձայն (ներանում պահանջվում էր արագացնել զորքերի հավաքը), այն ունեցել է կառավարողներ (*ERIM.MEŠ* և *GIŠ.GIGIR*), ասորեստանցի հետևակայիններ՝ *kallāpu*-զորքեր (^{L^U}*kallāpu*) ևն, ինչպես նաև քուրբայցի (^{L^U}*qurāyu*) և իթու՛այցի (^{L^U}*ituʾāyu*) զինվորներ²⁵: Հայտնի է ասորեստանյան տերության արևելյան մահանգներում տեղաբնակված զորքերի շարքում քաղալիցիների առկայության մասին²⁶: Ասորեստանյան զորահրամանատարներից մեկը՝ Շարրու-էմուրանին, որը, մեր կարծիքով, Սարգոնի «VIII տարվա արշավանքի» կապակցությամբ երեք անգամ հանդես է գալիս ասորեստանյան աղբյուրներում (տես ստորև), երանա-

նատարն էր «նահանգային զորքեր» ընդգրկող բավական նշանակալի միավորման²⁷:

Այս փաստերը նկատի ունենալով, միանգամայն հնարավոր է թվան Ուաուշի ճակատամարտին մասնակից ասորեստանյան բանակում տեսնել ոչ-ասորեստանցիներից կազմված զորքեր: Թերևս, նման կազմ են ունեցել քիրս-միավորումները²⁸: Վերջիններս, ի լրումն բուն ասորեստանյան ուժերի, կազմում էին «արքայի զորքը»՝ *šab šarri-ū*²⁹:

Սին-ախ-ուծուրի հրամանատարած քիրս-ն, որն Ուաուշի ճակատամարտի հիմնական դերակատարներից էր, կազմված էր, ամենայն հավանականությամբ, հետևակայիներից³⁰: Ոչ-ասորեստանցիները, տվյալ դեպքում իթուայցի և քուրդայցի զինվորները, ընդգրկվել են գերագնացալես հետևակային միավորներում³¹, մինչ օտար ծագման մարտակառքերն ու հեծելազորը, ինչը շեշտվում է աղբյուրներում, ներառվում էին արքայական զնդ(եր)ի՝ *kisir šarri-ū*-ի կազմ³²:

Նման փաստի հետ գործ ունենք նաև «Լուվրի աղյուսակում»։ Մուծածիրը նվաճելու համար բանակի հիմնական զանգվածից առանձնացված զորախմբում Սարգոնի առաջնորդած հեծելազորից բացի ընդգրկվել են նաև հետևակ զինվորներ, թերևս՝ նույն Սին-ախ-ուծուրի քիրս-միավորումը:

Ի դեպ, ասորեստանյան աղբյուրները ուրարտական բանակի կազմավորումների թվում հիշատակում են և *kisru-ū*³³, և *pirru-ū*³⁴: Զանի որ քիրս-ն, ինչպես թվում է, կազմվել է էթնո-տարածքային սկզբունքով՝ ոչ-ասորեստանցիներից, ապա ուրարտական բանակի համապատասխան միավորները, թերևս, ներկայացրել են տեղությամբ ենթակա կամ նրա կազմում գտնվող «երկրների» ուժերը:

Ինչ վերաբերում է Ուաուշում ասորեստանյան բանակի թվաքանակին, ապա այդ մասին ուղղակի տվյալներ չկան: Միայն ԼԱ, տող 320-ում նշվում է Սարգոնի զլխավորությամբ Մուծածիր շարժվող զորախմբում 1.000 հեծյալներ ընդգրկող միավորման առկայության մասին: Ուղեկից հետևակայիներին վերաբերող թվական տվյալներ աղբյուրը չի պարունակում: Հստակ չեն նաև տեղեկությունները արշավանքին մասնակից ասորեստանյան նահանգապետների մասին, թեև նրանք ներկայացված են աղբյուրում³⁵:

Մենք կարող ենք ենթադրել, հիմնվելով արքունիք ուղարկված երեք զեկուցագրերի վրա, որ ասորեստանյան զորաբանակի կազմում են գտնվել, առնվազն, Արրապխա, Արգուխինա, Չամուս նահանգների զորամիավորումներն ու վերոհիշյալ Շարրու-էմուրաննիի զունդը³⁶: Հետաքրքիր է, որ, զեկուցագրերից մեկի համաձայն, Շարրու-էմուրաննին շարժվել է դեպի Մուսրի³⁷, երկիր, ուր «VIII տարվա արշավանքի» սկզբնամասում զորահանդես է անցկացրել Սարգոնը³⁸: Մուսրին, ըստ

երևութիւն, ընտրվել էր որպէս զորքերի հավաքատեղի: Ամենայն հավանականությամբ, այս ուղղությամբ է շարժվել, ըստ երկրորդ զեկուցագրի. Արքայախայի նահանգապետը. Ջաբ գետն անցնելուց հետո նայատակակետ, որի անունը չի հիշվում, նա պետք է հասներ երեք օրում³⁹: Սուրբիի տեղադրությունը⁴⁰, ինչպես նաև այլ նկատառումներ միանգամայն հնարավոր են դարձնում նման մտեցումը: Ըստ այդմ, հիշված զեկուցագրերը կարելի է թվագրել Սարգսնի «VIII տարվա արշավանքի» սկզբնական շրջանով (մ. թ. ա. 714 թ. հունիս):

Հետևաբար, կարող ենք խոսել արշավանքին նվազագույնը երեք նահանգային գնդերի մասնակցության մասին: Սեպագիր աղբյուրները թվական տվյալներ են պահպանել դրանցից մեկի մասին: Ըստ աղբյուրի, Ջամուա նահանգի համահավաք զորախումբն ունեցել է առնվազն 1.500 զինվոր⁴¹: Չորախումբն ընդգրկում էր հեծյալ ջոկատ և մարտակառքերի խումբ՝ նվազագույնը 10 միավոր⁴²: Այս տվյալները, սակայն, չեն կարող հիմք ծառայել եզրահանգումների համար, քանի որ մույն աղբյուրում նշվում է, որ դա Ջամուայի նահանգապետի հրամանատարության տակ գտնվող ուժերի վերջնական թիվը չէ:

Այլ աղբյուրներից հայտնի է, որ ասորեստանյան նահանգի վերածված Կումմուխում Սարգսնը նահանգապետին է հանձնել քավական նշանակալի ուժեր՝ 150 մարտակառք, 1.500 հեծյալ, 20.000 մետածիգ և 1.000 պարսատիկավոր ու միզակակիր զինվոր⁴³: Հիմք ընդունելով այս տվյալները, Վ. Մանիթիուսը ենթադրել է նման թվաքանակներ ասորեստանյան բոլոր նահանգների համար⁴⁴: Նահանգային զորքերի քանակը, անշուշտ, կախված էր տվյալ նահանգի ունեցած ռազմավարական նշանակությունից: Այս ստումով Ջամուան, որի զորքերի մասնակցությունը արշավանքին կարելի է համարել կասկածից դուրս, գտնվում էր ռազմական տեսանկյունից մեծ կարևորություն ունեցող նահանգների շարքում⁴⁵:

Այս ամենով հանդերձ հնարավոր չէ հստակեցնել ասորեստանյան զորաքանակի թվականը: Պարզապես պետք է փաստենք, որ զործ ունենք քավական նշանակալի խմբավորման հետ, եթե վերոհիշյալ նահանգների զորախմբերին հավելենք «աբքայական գունդը», Սարգսնի թիկնապահ զորախումբը, Սին-ախ-ուծուրի քուր-միավորում (ներ) ը, Շարբու-Էմուրաննիի գունդը, ինչպես նաև ասորեստանցիներին դաշնակից մանայական և ալլարբիական զորքերը:

Ի դեպ, ասորեստանյան քանակի առավելագույն թվաքանակը, որը հայտնի է տարբեր արշավանքների նկարագրություններ պահպանած սեպագիր աղբյուրներից, հասնում է 120.000 զինվորի՝ ներառյալ դաշնակիցներին⁴⁶:

Ուրարտական բանակը.

Ճակատամարտի նկարագրությունը պահպանած «Լուվրի աղյուսակը» ընդհանուր բնույթի արտահայտություններից զատ չի պարունակում կոնկրետ տվյալներ ուրարտացիների և նրանց դաշնակից բանակների թվաքանակի մասին: Մեպագիր աղբյուրներում պահպանված ստղծյութերը, այնուամենայնիվ, թույլատրում են անել խիստ ընդհանուր դիտարկումներ:

Ժամանակաշրջանի ասորեստանյան հետախուզական աղբյուրներից հայտնի է, որ կիմներների դեմ ձեռնարկված արշավանքին ուրարտական տերությունը կենտրոնացրել էր զորքերի մեծ քանակ՝ ուրարտական բանակի զլխավոր զորահրամանատար (^{LU}urtašum) Կակկադանուի, ավելի քան 13 մարզպետների զորամասերն⁴⁷ ու, հաստատապես, արքայական զույգը: Հայտնի է նման մեկ զնդի թվակազմը՝ մոտ 3000 զինվոր⁴⁸: Հեռևաբար, կարելի է նշել, որ կիմներների դեմ զործող ուրարտական բանակի զինվորների թիվն անցել է մի քանի տասնյակ հազարից⁴⁹: Այս կարգի թվաքանակները կարող են ընդունելի լինել նաև Ուաուշի ճակատամարտի պարագայում. ասորեստանյան տվյալների համաձայն, արքայական զնդից բացի բանակի կազմ են ներգրավվել «ուրարտական մեծամեծների»՝ թերևս մարզպետների զորամասերը, ինչպես նաև դաշնակից «հարևան արքաների» ուժերը:

Թեև ասորեստանյան աղբյուրները չեն պահպանել Ուաուշի ճակատամարտին մասնակից մարզպետների կամ մարզային զորամասերի թիվը (ԼԱ-ը հիշատակում է միայն ուրարտական գերեվարված մարզպետների⁵⁰), այնուամենայնիվ, կարելի է ենթադրել նրանց զլխավորած առնվազն յոթ-ութ զնդերի մասնակցություն: Որպես հիմնավորում հարկ է նշել, որ ուրարտա-ասորեստանյան լարված, սակայն ոչ պատերազմական իրավիճակում ուրարտական պետությունը Ուայախս մարզում կենտրոնացրել էր հինգ⁵¹, իսկ Պուլուա և Դասիբանի քաղաքներում (Տիգրիսի վերին հոսանքի շրջան)՝ վեց մարզպետների զնդեր⁵²:

Ինչ վերաբերում է ուրարտական բանակի զորատեսակներին, ապա դրանք էապես չեն տարբերվել ժամանակաշրջանի այլ բանակների համանման ուժերից: Բանակն ունեցել է մարտակոտորներ⁵³, հեծելազոր⁵⁴, որն իր թվաքանակով, կարծում ենք, գրեթե չի զիջել հեռավորին, հեռակա՝ իր զորատեսակներով (տվյալ պարագայում «Լուվրի աղյուսակը» հիշատակում է նետածիգների⁵⁵, պարսատիկավորների⁵⁶, տեգավորների⁵⁷ և զրահավորված ռազմիկների /*qurādišu ša taḫlupiti*/)⁵⁸, սակրավորներից կազմված զորամասեր, ինչպես նաև օժանդակ ուժեր և գումակ: Նույն աղբյուրում ռազմիկ (^{LU}muṣdaḫsu) քսաղ, որը համդես է գալիս երկու անգամ, արտահայտել է ուրարտական բանակի նետածիգ և տեգավոր զինվորների. ^{LU}muṣ-daḫ-ši-šu tu-ku-l-ti um-ma-ni-šu na-naš

⁵⁸ BAN as-ma-re-e... «նրա ռազմիկները՝ նրա բանակի հույսը, որոնք կրում էին սսւեղներ և անգեր...» ⁵⁹: Ուսուշում ուրարտացիների գլխավոր դաշնակից զիկերտական բանակն ունեցել է հեծելագոր, որն աղբյուրում, ինչպես ուրարտական հեծելագորը, արտահայտվել է «ծիեր» տերմինով ⁶⁰, և հետխում «ռազմի զինվորներ» (šāb taḫāzi) ⁶¹:

Բանակի զինվածությանը վերաբերող մեր հիմնական աղբյուրը հնագիտական բավական հարուստ նյութերն են ⁶²: Որոշակի պատկերացում են տալիս նաև սեպագիր աղբյուրների և մասնավորապես՝ «Լուվրի աղյուսակի» այն տվյալները, որոնք վերաբերում են Մուծաժիից տարված ռազմավարին:

Դաշնակիցների բանակները.

Ուսուշի ճակատամարտում թե մեկ, թե մյուս կողմի ճամբարներում են գտնվել դաշնակից զորքեր: Ընդ որում, եթե աղբյուրն ուղղակի նշում է ուրարտացիների դաշնակիցների՝ «հարևան արքաների» մասին, ապա ասորեստանյան ճամբարում դաշնակից զորքերի առկայությունը սոսկ ենթադրվում է:

Ուրարտացիների հիմնական դաշնակիցը, ինչպես նշվեց, զիկերտական բանակն էր, արքայի՝ Սետատտիի ամմիջական հրամանատարությամբ: Դաշնակիցների շարքում են գտնվել Խուբուշկիայի զորքերը, որի արքա Յանգում այս շրջանում հակվել էր դեպի Ուրարտուն: Խուբուշկիական ուժերի առկայությունն է հավաստում ասորեստանյան զեկուցագրերից մեկը: Դրա համաձայն, Ուսուշին նախորդող շրջանում Ռուսա I-ի զորախումբը Խուբուշկիացիների ուղեկցությամբ շարժվել է ասորեստանյան զորքերին ընդառաջ, մինչ վերջիններս զբաղված էին զիկերտացիների դեմ պատերազմելով ⁶³: Ընդ որում, հիմքեր կան պնդելու, որ Ուսուշում Խուբուշկիացիները դիմել են դավաճանության՝ անցնելով հակառակորդի կողմը կամ բռնելով չեզոք դիրք (տես ստորև):

Ինչ վերաբերում է «հարևան արքաներին», ապա աղբյուրները չեն պարունակում որևէ տվյալ, որը հնարավոր կդարձներ հստակեցնելու նրանց անունները: Կարելի է սոսկ ենթադրել դաշնակիցների շարքում անդիացիների առկայության մասին: Մերձուրմյան նշանակալի պետական կազմավորումներից Անդիան, ըստ համաժամանակյա աղբյուրների, այս շրջանում դաշնակցել է Ուրարտուին, մեծավ մասամբ հանդես գալով հակաասորեստանյան կամ հակամանայական ճամբարում՝ Ջիկերտուի հետ միասին:

Ասորեստանյան տերության հիմնական դաշնակիցն արևելքում, նաև «VIII տարվա արշավանքի» ժամանակ, Մանայի թագավորությունն էր: «Լուվրի աղյուսակի» վկայությամբ, արշավանքի սկզբնահատվածում տեղի են ունեցել երկու երկրների տիրակալներ Սարգոնի և Ուլլուսումաի հանդիպումները նախ՝ Սինիխինի և ապա՝ Սիրդակկա մանայական ամ-

րոցներում: Չեղք բերված պայմանավորվածությունների մեջ էին աստ-
րեստանյան բանակի մատակարարումը, որն իրականացնելու էր մանա-
յական պետությունը, ինչպես նաև օժանդակ ուժերի տրամադրումը: Մա-
նայական զորքերին առաջնորդելու էր Ուլլուսանուի ավագ որդին, որին
աղբյուրը չի հիշում հանվանե՞: Նշվածով հանդերձ մանայական պե-
տության խաղացած դերակատարման մասին աստրեստանյան սույն
աղբյուրից հնարավոր չէ կազմել լիակատար պատկերացում: Փաստ է,
որ մանացիների երկիրը «չար թշնամիներից» (Ուբարտու, Ձիկերաու,
Անդիա ևն) պաշտպանելու դրույթներով իրականացվող արշավանքին
մանայական պետությունը չէր կարող չունենալ էական մասնակցու-
թյուն:

Եթե ճիշտ է SAA, V, No. 199-ի համար մեր կողմից առաջարկվող
թվագրումը Սարգոնի «VIII տարվա արշավանքի» սկզբնական շրջանով,
ապա կարող ենք նշել, որ աստրեստանյան բանակին ուղեկցել են ոչ
միայն մանայական, այլև նրան սահմանակից պետական կազմավո-
րումներից Ալլաբրիայի ուժերը: Վերջիններիս առաջնորդելու էր ալլաբ-
րիական արքայագնը՝:

Ինչ վերաբերում է կիմներների մասնակցությանը Ուատուշի ճակա-
տամարտին և ընդհանրապես՝ «VIII տարվա արշավանքին»՝ որպես
դաշնակից կամ վարձկան ուժեր, ապա նման հնարավորությունը չի կա-
րելի բացառել, թեև մեր տրամադրության տակ ուղղակի փաստեր չկան:
Պարզապես, խիստ վիճելի է որոշ մասնագետների մոտեցումն այն մա-
սին, որ գրեթե մույնացվում են կիմներների դեմ ուրարտացիների մղած
ճակատամարտը Ուատուշի հետ⁶⁶: Այս հարցին անդրադառնալը կնշանա-
կեր անդրադարձ՝ մ. թ. ա. 715–714 թթ. ուրարտա–աստրեստանյան հա-
կամարտությանն ընդհանրապես, ինչն այլ ուսումնասիրության թեմա է:

Ուատուշի ճակատամարտն ըստ «Լուվրի աղյուսակի».

«Լուվրի աղյուսակը» հեղինակած Նաբու–շալլիմ–շունուսն հիմնա-
կան տեղը հատկացրել է Սարգոնին և աստրեստանյան հզորությունը
փառաբանող տարբեր պատկերավոր արտահայտությունների, այնինչ
ճակատամարտի բուն նկարագրությունը տալիս է հակիրճ՝ որպես Սար-
գոնի գործած սխրագործությունների ենթատեքստ: Ուատուշին վերաբե-
րող 70 տողերից (ԼԱ, տող 91–161) ճակատամարտի դրվագներն են ար-
տացում սոսկ 21–ը: Դրանք են.

I. ԼԱ, տող 110–111.

«...Նրա սիրտը ցանկացավ ինձ հետ բաց ճակատամարտ տալ...:
Այդ լեռան կիրճում շարեց նա զորքերը: Ձորքերի մոտեցման և մարտա-
կարգ ընդունելու մասին իմ սուրհանդակը ինձ հայտնեց»:

II. ԼԱ, սաղ 127–146.

II-ա «...Աշշուր աստծու տանջված զինվորները, որոնք երկար ճանապարհ էին անցել, հոգնած էին և ուժասպառ, ... ես թույլ չտվեցի նրանց հանգստանալ, ... իմ գունդը չհավաքեցի..., իմ անձնական մարտակառքով և ձիերով, Մին-ախ-ուծուրի գորախմբով, ինչպես զայրացած տեգ, նրա սրտին հարվածեցի և նրան պարտության մատնեցի, կանխեցի նրա գրոհը...»:

II-բ «...Մենք կոտորած կազմակերպեցի, նրա ռազմիկներին, ... նրա նետածիգներին նրա ռազմի առաջ գառների նման մորթեցի, արքայական ընտանիքի 260 անդամների իմ ձեռքով բռնեցի...»:

II-գ «...նրա ճակատը կազմալուծեցի, ... նրան ճամբարի բազմության մեջ փակեցի ... իր կյանքը փրկելու համար (նա) իր մարտակառքը լքեց և մատակ ձի նստած իր գործի առջևից ճողպարեց»:

II-դ «Ձիկերաացի Մեհատաիին՝ հարևան արքաներով – ես նրանց զորքը խոնարհեցրի, նրանց գունդը ցաքուցրիլ արի, ... Ուրարտու երկրի գորքը և նրա դաշնակիցներին պարտության մատնեցի վեց «բերու» տարածություն՝ Ուաուշ լեռից մինչև Ջիմուր լեռը ... հետապնդեցի նրանց...: Մյուսներին, որոնք իրենց կյանքը փրկելու համար փախուստի դիմեցին, արձակեցի (նրանց) Աշշուրի՝ տիրոջ հաղթանակը փառաբանելու համար»:

Ճակատամարտի իրողությունը պահպանած սարգոյան մյուս աղբյուրները՝ արքայի տարեգրությունը, «Հանդիսավոր արձանագրությունն» ու Կիսրոսում գտնված կոթուլ-արձանագրությունը չեն պարունակում լրացուցիչ տվյալներ:

Ճակատամարտի ընթացքը.

Հետազոտողներ Հ. Մազսի, այնուհետ Ջ. Մմիթի դիտարկումները հանգում են հետևյալին. Սարգոնի հրամանատարած հեծյալ ուժերի գրոհ մեկ կամ երկու շարքով մարտակարգ ընդունած ուրարտացիների ճակատային գծի վրա (հետևակային կամ խառը զորամիավորումներ), ճակատային գծի ճեղքում, հարված Ռուսայի առաջնորդած հեծելազորին, հեծելազորի շրջապատում, Ռուսայի և ուրարտական զորքերի փախուստ, կոտորած, հարված դաշնակից զորքերին և նրանց փախուստ ու կոտորած (զուգահեռ է անցկացվում Մարաթոնի ճակատամարտի հետ) ⁶⁷:

Կ. Հովհաննիսյանի վերակազմությունը նշվածից տարբերվում է նրանով, որ ենթադրվում է ուրարտական զլխավոր ուժերի շրջապատում՝ ներառյալ հետևակն ու հեծելազորը (զուգահեռ է անցկացվում Կանենի ճակատամարտի հետ) ⁶⁸:

Դժվար չէ նկատել, որ բոլոր եզրահանգումների հիմքում ընկած է հանդիսակաց մարտը՝ ուրարտացիների ճակատային գծի ճեղքման և

բանակի հեծելագործին կամ «սպայակույտին» հարվածելու հիմնական գաղափարով⁶⁹:

Ճակատամարտի նկարագրության վերլուծությունը, սակայն, հնարավորություն է ընձեռում առաջարկելու դրա ընթացքի այլ պատկեր: Հետախույզներից տեղեկանալով Ռուսոշի կիրճերում ուրարտական և դաշնակից զորքերի ամրանալու և մարտակարգ ընդունելու մասին, ասորեստանյան հրամանատարությունը, կարծում ենք, վճռել է խուսափել հանդիպակաց մարտից: Դրա համար կային մի շարք պատճառներ: Նախ, անմիջապես էր տեղանքը, ուրարտական բանակը զբաղեցրել էր բարձունքները, ուր ձգվող նեղ կիրճը մասնելու դեպքում զորքերը, չհասնելով մերձամարտի, կհայտնվեին անվտանգ տարածության վրա գտնվող ուրարտացիների հարվածների տակ: Բացի այդ, ասորեստանյան բանակը կզրկվեր ազատ տեղաշարժվելու, զինվորական ուժն առավելագույնս օգտագործելու հնարավորությունից⁷⁰: Ուստի, ասորեստանյան հրամանատարությունը, ըստ նրևային, ընտրել է այլ մարտավարություն՝ փորձել հակառակորդի դեմ օգտագործել նրա իսկ պարտադրած տեղանքը:

Բարձունքները զբաղեցրած ուրարտական բանակը, քիչուցքում ունենալով անմատչելի լեռներ, թվում էր անխոցելի: Ուրարտական հրամանատարությանը խիստ հարմար թվացող տեղանքը, մյուս կողմից, ուներ էական բաց: Ուրարտացիներին այն չէր մղում մտածելու քիչուցքի ապահովության մասին. ըստ այդմ, հիմնական ուժերը կենտրոնացրել էին առաջին գծում՝ մեծ խորությամբ, սակայն սահմանափակ, տեղանքի ուրվագծած ճակատով: Իսկ դա նշանակում է, որ ուրարտացիները կորցնում էին ևս մեկ առավելություն՝ ենթադրվող թվական գերազանցությունը: Ընդ որում, սահմանափակ տարածության պատճառով, ուրարտացիներին դաշնակից ուժերն անգամ չէին ընդգրկվել առաջին գծում: Նրանք բանակել էին առանձին, ճակատային գծից հեռու: Բանակը զրկվել էր նաև նպատակային, ազատ տեղաշարժերի հնարավորությունից: Փաստորեն, ուրարտական հրամանատարությունը, վարձելով կաշկանդել ասորեստանյան ուժերին, ինքն էր հայտնվել մտան վիճակում⁷¹:

Ասորեստանյան հրամանատարությունը, որին, թվում է, ծանոթ էր ուրարտական ճամբարում տիրող անցուղարձը, ընտրել է հակառակորդին անակնկալ հարված հասցնելու ճանապարհը՝ ուրարտացիների քիչուցքում գտնվող այդ մյուս անմատչելի լեռներից: Այս նպատակով, կարծում ենք, ասորեստանցիները որոշել են դիմել շրջանցիկ զորաշարժի՝ նպատակ ունենալով դուրս գալ հակառակորդի քիչուցքը՝ ուրարտական ճամբարին հնարավորինս մոտ: Այս նպատակով բանակի կազմից առանձնացվեցին ընտրյալ ուժեր՝ «արքայական գունդը» (*kišir saḫḫē*), որին գլխավորում էր Սարգոնն անձամբ, նրա քիչնապահ զորախումբն

ու արքայի խորթ եղբոր՝ Մին-ախ-ուծուրի քրտ-միավորումը՝ 2-ից 3.000 զինվորներով:

Շրջանցիկ զորաշարժն իրականացվել է այն ժամանակ, երբ ասորեստանյան զորաբանակի հիմնական ուժերը գտնվել են երթի մեջ, այսինքն՝ մինչ հակառակորդ բանակների մերձեցումը:

Լեռնային դժվարամատչ տեղանքով ընթացած զորաշարժը ասորեստանցիներից պահանջել է մեծ ճիգեր: Դրա պատկերավոր նկարագրությունը տալիս է «Լուվրի աղյուսակը».

«(ԼԱ, հատված II-ա) Աշշուր աստծու տանջված զինվորները, որոնք երկար ճանապարհ էին կտրել, հոգնած էին և ուժասպառ, անցել էին անհամար քարձր լեռներ, որոնց վերելքն ու վայրէջքը դժվարին էր՝ ես թույլ չավի մրանց հանգստանալ, ծարավս հագեցնելու համար ջուր չըմպեցի, հանգստավայր չստեղծեցի, ճամբար չսարքեցի...»:

Ուրարտացիներն ու մրանց դաշնակիցները, ամտեղյակ լինելով Մարգոնի հեռանալուն, այս շրջանում չեն սպասել հարձակման: Մինչ ասորեստանյան հիմնական ուժերը կմտենային բարձունքները զբաղեցրած հակառակորդին, Մարգոնի առաջնորդած զորախումբն ուրարտացիների քիկումքում զբաղեցրել է հարմար դիրքեր՝ բանակի կենտրոնականին հնարավորինս մոտ: Այստեղ էլ արքան տեղեկացվել է հիմնական ուժերի մոտենալու և ռազմակարգ ընդունելու մասին (ԼԱ, հատված I):

Մարգոնը որպես քիրախ ընտրել էր ուրարտական բանակի հրամանատարությամբ՝ արքային՝ իր մերձավորներով, և արքայական գունդը «...ինչպես զայրացած տեգ մրա սրտին հարվածեցի...» – հայտնում է «Լուվրի աղյուսակը»:

Հարձակումը ճամբարի վրա, ամենայն հավանականությամբ, ձեռնարկվել է ճակատային ընդհարումը սկսվելուց առաջ (իմնա. «կանխեցի մրա գրոհը» արտահայտությունը), հավանաբար՝ վաղ արևածագին: Ասորեստանյան աղբյուրներից հայտնի են մնացած գրոհների դրվագներ: Մարաը սկսել են Մին-ախ-ուծուրի նետաձիգները՝ քիրախ ընտրելով Ռուսայի հեծյալներին: Անակնկալ նետաձգությունը ուրարտացիներին պատճառել է ոչ միայն կորուսաներ, այլև խառնաշփոթ ստեղծել մրանց ճամբարում: Իրարանցումից օգտվելով ճամբարն է գրոհել Մարգոնի հեծելազորը, իսկ նետաձգությունը շարունակվել է մինչև մերձամարա: Նետաձիգների և հեծելազորի փխգործակցությամբ ձեռնարկված գրոհի մասին կարելի է դատել այն փաստից, ըստ որի ասորեստանցիները գործել են նետերով և տեգերով (ina ussi tasilullu)՝: Առաջին զինատեսակը մերձամարաի համար հարմար չէ, իսկ տեգը, ինչպես հայտնի է, ասորեստանյան հեծյալի հիմնական զենքն էր:

Ասորեստանցիները լիովին օգտագործել են անսպասելության գործոնը՝ անակնկալ հարձակման ընձեռած առավելությամբ պասսիվ

գործողությունների դատապարտված ուրարտացիներին սեղմելով իրենց իսկ ճամբարին: Հարձակման քիռախ Ռուսան, արքունի զինվորներով, հայտնվել է շրջափակման մեջ: Ընդ որում, դրա հետևանքով ուրարտական բանակի հրամանատարական կազմը մեկուսացվել է զորքերի հիմնական զանգվածից, ինչը խիստ բացասաբար է անդրադարձել անհաջող սկսված մարտի հետագա ընթացքի վրա: Փաստորեն, ասորեստանցիների նպատակային գործողությունների արդյունքում, կարվել է կապը հրամանատարության և զորքերի միջև, բանակի հիմնական ուժերը մատնվել են անգործության: Շարքերում տիրել է խստանաշվառքը. ըստ էության մեծ էր նաև հարձակման գործած հոգեբանական ազդեցությունը ուրարտական զինվորների վրա:

Սինչ մարտերն ընթանում էին ուրարտական ճամբարի մատույցներում, ասորեստանյան հիմնական ուժերը սկսել են գրոհել հակառակորդի ճակատային գիծը: Չարգացումների նման ընթացքից անակնկալի եկած ուրարտական հիմնական ուժերը, զրկված լինելով գլխավոր հրամանատարական կազմից, անգամ չեն վարձել դիմակայել ասորեստանցիներին՝ դիմելով նախ անկամոն մահանջի դեպի ճամբար, իսկ այնուհետ՝ համատարած փախուստի: ԼԱ-ի տվյալները չեն վկայում հանդիպակաց մարտի վաղը-ինչ երկարատև տարրերակի օգտին՝ փաստը՝ հաղորդելով խմբիայրոց, մեկ արտահայտությամբ՝ «նրա ճակատը կազմալուծեցի»:

Ուրարտացիների հետապնդումը վերածվել է անխնա կոտորածի՝ պաշարված ճամբարում դեռևս դիմադրող արքունի զինվորներին աչքի առաջ: Այս պայմաններում ուրարտական զինվորներին այլ ելք չեր մնում արքայի կյանքը փրկելուց զատ: Դա հաջողվել է մեծ դժվարությամբ, ծանր կորուստների գնով: Արքունի արձանագրություններին բնորոշ ոճով գրված ասորեստանյան տեքստը մամրամասնում է.

«...Սեծ կոտորած կազմակերպեցի, նրա ռազմիկներին, նրա նետածիգներին, տեգակիրներին՝ նրա ուտքի սաաջ՝ զսաան նման մորթեցի, արքայական ընտանիքի 260 անդամներին իմ ձեռքով բռնեցի: Իր կյանքը փրկելու համար (նա) իր մարտակառքը լքեց, մտեց մատակ ձի և իր զորքի ստջևից փախավ» (հատված II-բ / II-գ):

Ուրարտական բանակի կազմալուծմանն ու Ռուսայի փախուստին հաջորդեց արքունի գնդի և կենտրոնականի ջախջախումը. ուրարտական դիրքեր ներխուժած ասորեստանցիների ձեռքն ընկան բանակի հրամանատարական կազմը, արքայական ընտանիքի մեծ թվով անդամներ և ողջ մնացած արքունի հեծյալները: Այս նույն շրջանում, կարծում ենք, դավաճանության են դիմել ուրարտացիներին դաշնակից խուրուշկիական զորքերը՝ լքելով դաշնակից ուժերի ճամբարը: Դա կարող էր լինել և որոշակի պայմանավորվածությունների արդյունք՝ վաղո-

բոք ձեռք բերված աստրեստանցիների հետ, և իրադարձությունների նկարագրված զարգացումների: Հատկանշական է, որ, «Լուվրի աղյուսակի» վկայությամբ, Սարգոնն Ուաուշում ազատ է արձակել և իր մոտ թողել թշնամու ինչ-որ մարդկանց. «մնացած մարդկանց, որոնք իրենց կյանքը փրկելու համար փախան, արձակեցի (նրանց) Աշշուբի՝ տիրոջ հաղթանակը փառաբանելու համար»: Ամենայն հավանականությամբ, արքունի գրիչն այստեղ նկատի է ստել խուբուշկիացիներին: Վերջիններս (տեքստում՝ UN.MES KUR Ni'iri Նա'իրի երկրի մարդիկ) արդեն հիշատակվում են «Լուվրի աղյուսակի» 259-րդ ստղում, մանացիների հետ միասին, մի ենթատեքստում, որը նկարագրում է ուրարտական ամրոցների ավեր և թալան⁷³:

Ուրարտական ճամբարի ջախջախմանն ու բանակի քայքայմանն ակնհայտես դաշնակիցների զորքերը, որոնք բանակել էին առանձին, խուբուշկիացիների հետանալուց հետո անկարող գտնվեցին կասեցնելու աստրեստանցիների նոր գրոհը: Նրանց հիմնական հարվածն ուղղված էր առավել մարտունակ ուժի՝ զիկերական բանակի դեմ: Ճակատամարտի այս հատվածի նկարագրությունը խիստ լակոնիկ է. նշվում է միայն Մեսաառի զիկերացու և «հարևան արքաների» զորքը խոնարհեցնելու, նրանց գունդը ցաքուցրիվ անելու մասին (հատված II-դ): Ըստ էության, այստեղ ևս բացակայել է կազմակերպված դիմադրությունը: Տեքստը շարունակում է.

«...Ուրարտու երկրի՝ չար թշնամու զորքը և նրա դաշնակիցներին պարտություն հասցրի, Ուաուշ լեռան վրա նրանց փախուստի մատնեցի նրանք, ինչպես մրջյունները վտանգին, բռնեցին դժվարին ճանապարհները...» (հատված II-դ):

Աստրեստանյան հեծելազորը, ըստ նույն աղբյուրի, «արևածագից մինչև մայրամուտ» հետապնդել է նրանց՝ Ուաուշից մինչև Ջիմուր լեռ՝ 6 “bēru” ճանապարհ (նվազագույն հաշվումներով՝ մոտ 35 կմ)⁷⁴:

Այսպիսով, կարելի է սահմանափակվել փաստելով, որ հանդիպական ճակատամարտ, որպես այդպիսին և հակառակ պնդումների՝ չի եղել. դրա վախաբեն տեղի է ունեցել ուրարտական բանակի թիկունք ներթափանցած աստրեստանցիների անսպասելի հարձակում բանակի կենտրոնականայանի վրա, զորքերի կառավարման կազմալուծում, ուրարտական դիրքերը պատած համատարած խառնաշվաթ, դաշնակից աժեռի մի մասի դավաճանություն, բանակի հիմնական զանգվածի կողմից լուրջ դիմադրության բացակայություն՝ դրան հետևած տրամաբանական շարունակությամբ՝ ուրարտական և դաշնակից ուժերի փախուստ ու կոտորած: Այս առումով Ուաուշը ընդհանուր գծերով հիշեցնում է հայկական և հռոմեական զորքերի միջև մ. թ. ա. 69 թ. հոկտեմբերի 6-ին տեղի ունեցած Տիգրանակերտի ճակատամարտը⁷⁵:

Ուրարտացիները կրեցին մեծ կորուստներ: Բավական է նշել, որ Ռուսայի տոհմակիցների թիվը, որոնք գերվել էին ասորեստանցիների կողմից, հասնում էր 260-ի⁷⁶: Գերիների մեջ էին, բացի այդ, արքունականներ՝ ներքինիներ (^LŠut-SAG^{ME}), խորհրդականներ ([~]maliki), մարզպետներ (^LEN.NAM^{ME}) և հեծյալներ (^LPIT.ĪHAL.LU^{ME}): Նրանց զգալի թիվը սլայմանավորված էր այն հանգամանքով, որ վերջիններս, գտնվելով արքայի կողքին՝ ճամբարում, հենց սկզբից հայտնվել են մարտերի կենտրոնում՝ իրենց վրա ընդունելով հիմնական հարվածը:

Ուսուշից հետո ուրարտա-ասորեստանյան մոտ մարտեր, թվում է, տեղի չունեցան: Աղբյուրի վկայությամբ, ուրարտական անմատչելի ամրոցների կայագրերն անգամ լքում էին դիրքերը՝ խուսափելով ասորեստանցիների հետ բախումներից: Փաստը սլատճառաբանվում է ուրարտական բանակը սլահպանելու Ռուսայի ցանկությամբ. քանի դեռ կար բանակը, կլիներ և հաղթանակի հույսը...

Ուսուշի ճակատամարտին հաջորդեց ասորեստանցիների հաղթարշավը ուրարտական յոթ մարզերով՝ դրա վերջում նվաճելով և սլահելով պետական նշանակալի կազմավորում, ուրարտացիների հոգևոր կենտրոն Սուծածիրը: Արշավանքի արդյունքում ուրարտական տերությունը կորցրեց մերձուրմյան մի շարք տիրույթներ:

YERVAND GREKYAN

THE BATTLE OF UAUSH (A historic-comparative analysis)

One of the most famous events from the history of the Ancient Near East was the "Eight Year's Campaign" of Sargon II of Assyria to Urartu (c. 714 B. C.). It was the culmination of confrontation between these powerful empires. The key battle took place on Mt. Uaush (modern Sahand). The paper deals with the Battle based on analysis of the text "Letter to Aššur" – an Assyrian cuneiform source and concludes a new possible reconstruction of it.

The author puts down a hypothesis, according to which no oncoming battle took place on Mt. Uaush as was suggested by the scholars to this date. He thinks that Sargon's victory was achieved by an unexpected attack of Assyrian elite group of troops led personally by the king on headquarters of Rusa – king of Urartu and his cavalry units, which led up to losing of connections between the headquarters and the army units. It also made psychological effect: the soldiers were demoralized, the troops have come asunder, they didn't try to defend and escaped. The Urartian army was fated to suffer a terrible defeat.

The author compares Uaush with the Battle of Tigranakert between the Roman and Armenian armies in October 6, 69 B. C.

The paper also examines the possible size of both armies, their ethnic and military structure etc.

ԾԱՆՈԹԱԳՐՈՒԹՅՈՒՆՆԵՐ

1. Այս արշավանքը և դրա հետ կապված մի շարք հարցեր մասնագետների ուշադրությանն են արժանացել սկսած անցյալ դարասկզբից: Չնայած հետազոտողի սեղանին են դրվել տասնյակ աշխատանքներ, այնուամենայնիվ, խնդիրը չի կարելի համարել լիովին լուսաբանված: Նրան վերաբերող գրականության հղումները հնարավոր է գտնել Ն. Հարությունյանի «Бийнили» (Ереван, 1970, с. 292–311), Փ. Զիմանսկու «Ancient Ararat: A Handbook of Urartian Studies» գրքերում (pp. 45–51, Delmar, New York, 1998):
2. F. Thureau-Dangin, Une relation de la huitième campagne de Sargon (714 av. J. –C.), Textes cuneiformes, Tome III, Musée du Louvre, Paris, 1912 (TCL III), pp. 2–67 (XXX Pl) ; D. D. Luckenbill, Ancient Records of Assyria and Babylonia (ARAB), vol. II, 1927, No. 139–178; И. М. Дьяконов, Ассиро-вавилонские источники по истории Урарту, ВДИ, 1951, № 2, 3, 4 (АВНИУ), 49; W. Mayer, Sargons Feldzug gegen Urartu–714 v. Chr.: Text und Übersetzung, MDOG, Heft 115, 1983, S. 65–132: Մասնագիտական գրականության մեջ աղբյուրը հայտնի է «Լուվրի աղյուսակ» անվամբ (այսուհետև՝ LU):
3. Մասնագիտական գրականության մեջ առկա են տարակարծություններ՝ Ուաշ լեռան տեղորոշման խնդրում: Չխորանալով մանրամասների մեջ հարկ է նշել, որ շրջանառվող կարծիքներից առավել ընդունելին Ուաշ – ներկայիս Սահանդ համադրությունն է (F. Thureau-Dangin, TCL, III, p. VII): Ուաշին «Լուվրի աղյուսակի» տված բնութագրումները առավել քան բնորոշ են Սահանդ լեռանը (3710մ):
4. H. W. F. Saggs, Assyrian Warfare in the Sargonid Period, "Iraq", vol. XXV, pt. 2, 1963, pp. 145–154, sp. 151–154; К. Л. Оганесян, Ассиро-урартское сражение на горе Уауш (714 г. до н. э.), ИФЖ, 1966, № 3, с. 107–118; он же: Ассирийский поход в Урарту в 714 г. до н. э., ВОН, 1985, № 11, с. 69–80, сн. 71–74; J. B. Smith, A Tactical Re-Interpretation of the Battle of Uaush: Assyria and Urartu at War 714 BC, in "Anatolian Iron Ages 3", eds. A. Çilingiroğlu, D. H. French, British Institute of Archaeology Monograph No. 16, 1994, pp. 229–239.
5. W. Manitius, Das stehende Heer der Assyrikerkönige und seine Organisation, ZA, Bd. XXIV, 1910, S. 97–149, 185–224; F. Malbran-Labat, L'armée et l'organisation militaire de l'Assyrie, Geneva-Paris, 1982; E. N. Cooper, The Organization of the Neo-Assyrian Army: The Presence of Aramean Soldiers in the Assyrian Forces, Cambridge, 1988; D. Noble, Assyrian Chariotry and Cavalry, SAAB, vol. 4, 1990, pp. 61–68; W. Mayer, Politik und Kriegskunst der Assyrier, Abhandlungen zur Literatur Alt-Syrien-Palästinas und Mesopotamiens, 9, Münster, 1995 և այլուր:

6. LU, տող 12, 22, 25, 132, 313, 320, 331, 426:
7. LU, տող 25, 320, 426: Աղբյուրում «հեծյալ, հեծելազոր» իմաստը արտահայտվել է նաև ANŠE.KUR.RA ^(MES) «ճի(հր)» բառով (LU 12, 22, 132, 313):
8. LU, տող 26, 258 426: Տերմինի՝ նման իմաստով ընկալումը տես J. N. Postgate, *The Assyrian Army in Zamu, "Iraq"*, vol. LXII, 2000, pp. 89–108, sp. 104–105: Հմմտ. И. М. Дьяконов, *АВНИУ*, 49 (233) и прим. 62; *The Assyrian Dictionary (CAD)*, K, Chicago, 1971, "Kallābu", pp. 77–78; F. Malbran-Labat, op. cit., s. 82–83; S. Dalley, *Foreign Chariotry and Cavalry in the Armies of Tiglath-Pileser III and Sargon II, "Iraq"*, vol. XLVII, 1985, p. 37 և այլուր:
9. LU, տող 22, 325, 330:
10. LU, տող 258, 320:
11. LU, տող 258, 320:
12. LU, տող 320:
13. LU, տող 26, 258:
14. LU, տող 24:
15. LU, տող 25, 85 և այլուր:
16. LU, տող 123, 130, 289, 302, 321 և այլուր:
17. E. Botta et F. Flandin, *Monuments de Ninive*, Paris, 1849–1850, II, pl. 142–143. Ասորեստանյան քանակին վերաբերող դիտարկումներն ըստ բարձրաքանդակների տես J. E. Reade, *The Neo-Assyrian Court and Army: Evidence from the Sculptures, "Iraq"*, vol. XXXIV, pt. 2, 1972, pp. 87–112, sp. 101–107, pls XXXIII–XL.
18. Ասորեստանյան քանակի հրամկազմի մասին առավել մանրամասն տես F. Malbran-Labat, op. cit., s. 113–163.
19. F. M. Fales, J. N. Postgate, *Imperial Administrative Records, Part II: Provincial and Military Administration, SAA, XI, Helsinki, 1995, No. 126.*
20. Արձանագրության հրատարակիչները հակված են kišru անվան տակ տեսնել կանոնավորապես 100 զինվորներից բաղկացած զորախմբեր (cohorts)՝ դրանից բխող հետևություններով: Տես F. M. Fales, J. N. Postgate, *SAA, XI, p. XXVII.*
21. L. Waterman, *Royal Correspondence of the Assyrian Empire (RCAE)*, vols. 1–4, Ann Arbor, 1930–1936, No. 304; S. Parpola, *The Correspondence of Sargon II, Part I, Letters from Assyria and the West, SAA, I, Helsinki, 1987, No. 11.*
22. LU, տող 132:
23. F. Malbran-Labat, op. cit., s. 156–158. Հայտնի են տեքստեր, որոնցում խոսվում է sukkallu-ին ենթակա զնդապետների մասին: Տես, օրինակ, ^{amēl}tab kišir ^{MES} šá ^{amēl}sukalli նախարարի(ն ենթակա) զնդապետները (L. Waterman, *RCAE, No. 505*).
24. S. Dalley, *"Iraq"*, vol. XLVII, 1985, pp. 31–32.
25. G. B. Lanfranchi, S. Parpola, *The Correspondence of Sargon II, Part II, Letters from the Northern and Northeastern Provinces, SAA, V, Helsinki, 1990, No.*

277. Թերևս մահ SAA. V, No. 201-ը, որի խիստ եղծված տեքստում հիշատակվում են Շարրու-տմուրանին և Արգուխինայի մահանգապետը:
26. A. Fuchs, S. Parpola, *The Correspondence of Sargon II, Part III: Letters from Babylonia and the Eastern Provinces*, SAA, XV, 2001, No. 48.
27. S. Dalley, "Iraq", vol. XLVII, 1985, p. 32; A. K. Grayson, *Assyrian Rule of Conquered Territory in Ancient Western Asia*, in "Civilizations of the Ancient Near East" (Editor-in-Chief J. M. Sasson), vol. II, 1995, p. 960. Ցավոք, այս, ինչպես մահ ասորեստանյան բանակի միավորումներին վերաբերող մի քանի աղբյուրներ (S. M. Dalley, J. N. Postgate, *The Tablets from Fort Shalmaneser, "Cuneiform Texts from Nimrud 3"*, Oxford, 1984) մնացին մեզ անմատչելի: Դրանց տվյալները հայտնի են մասնագիտական գրականության մեջ առկա հղումներից:
28. Սարգոնյան դարաշրջանում քաղաքական ուժեր են տեղաբաշխվել Ասորեստանի մայրաքաղաքներից Կալխուի մերձավորությամբ (S. Dalley, "Iraq", vol. XLVII, 1985, p. 32): Ասորեստանյան զեկուցագրերից մեկում հիշատակվում են այս և մահանգազմ զորքերը՝ մայրաքաղաքների pirru-միավորումների տեսքով (3 pir-ra-ni sa "Kal-hi sa "Ni-nu-a sa "Dur-Sharru-ukin): Shu L. Waterman, RCAE, No. 440.
29. J. N. Postgate, "Iraq", vol. LXII, 2000, pp. 106-107.
30. Հմմտ. И. М. Дьяконов, АВИИУ, 49, прим. 38.
31. J. N. Postgate, "Iraq", vol. LXII, 2000, p. 101.
32. S. Dalley, "Iraq", vol. XLVII, 1985, p. 38f. (աղբյուրների հղումներով).
33. Ուրարտական բանակի «արքայական զնդի» երկակի հիշատակում է պահպանել «Լուրի աղյուսակը» (LU, տալ 171, 191): «Գնդապետ» (rab kisti) աստիճանով ուրարտական զինվորական է հայտնի ասորեստանցի Աշշուր-րիծուայի զեկուցագրից (L. Waterman, RCAE, No. 144; G. B. Lanfranchi, S. Parpola, SAA, V, No. 91).
34. SAA, V, No. 87-ում (տող 13), մասնավորապես, հիշատակվում են ուրարտական բանակի pirru-միավորումների երեք հրամանատարներ (3 LU. EN pir-ri):
35. LU, տող 333, ուր նշվում է ասորեստանյան մահանգապետներին և նրանց զնդերին ուղղված Սարգոնի ինչ-որ հրամանի մասին:
36. Չի բացառվում մահ Պարսուայի և Բիթ-խամբանի զորքերի մասնակցությունը արշավանքին: Երկու մահանգներն էլ հիշատակվում են մեր նշած աղբյուրներում (SAA, V, No. 199, ln. 12; No. 200, ln. 17), թեև ուղղակի մասնակցության մասին չի նշվում:
37. L. Waterman, RCAE, No. 312; G. B. Lanfranchi, S. Parpola, SAA, V, No. 200.
38. LU, տող 11-12:
39. L. Waterman, RCAE, No. 311; G. B. Lanfranchi, S. Parpola, SAA, V, No. 199. Այս ժամանակաշրջանը ներկայացնող երրորդ զեկուցագիրը, որի հեղինակը հայտնի չէ, վերաբերում է Արգուխինայի զորքերին: Shu G. B. Lanfranchi, S. Parpola, SAA, V, No. 277.
40. Н. В. Арупомян, Топонимика Урарту, Ереван, 1985, с. 172-173.

41. Ջամաայի նահանգապետ Ադադ-իսսիյայի՝ Սարգոնին ուղղած զեկուցագրում նշվում է նրա հրամանատարության տակ գտնվող առկա ուժերի թվաքանակը՝ 1430՝ ներառյալ սպասարկող անձնակազմը (G. B. Lanfranchi, S. Parpola, SAA, V, No. 215. Առավել մանրամասն տես ն համեմատիր J. N. Postgate, "Iraq", vol. LXII, 2000, pp. 89-90):
42. J. N. Postgate, "Iraq", vol. LXII, 2000, p. 90, lns. 6-7. Հմմտ. G. B. Lanfranchi, S. Parpola, SAA, V, No. 215 (lms. 6-7).
43. A. Fuchs, Die Inschriften Sargons II. aus Khorsabad, Cuvillier, Verlag, Göttingen, 1994, S. 224, Z. 116-117 (S. 349).
44. W. Manitius, ZA, Bd. XXIV, 1910, S. 129.
45. G. B. Lanfranchi, S. Parpola, SAA, V, p. XXVII
46. A. K. Grayson, Assyrian Rulers of the Early First Millennium BC, (858-745 BC), The Royal Inscriptions of Mesopotamia: Assyrian Periods, vol. III, Toronto, 1996, p. 39 (ln. 25) ; p. 53 (lms. 15-16).
47. Կիմմերական արշավանքին մասնակից մարզպետների թիվը արվում է ըստ А. И. Иванчик, Киммерийцы и Урарту накануне восьмого похода Саргона II, ВДИ, 1990, №. 3, с. 3-19 ուսումնասիրության (տջ 5):
48. Այս թիվը պահպանվել է արքունիք ուղղված ասորեստանցի Աշշուր-րիծուայի զեկուցագրում: Խոսքը վերաբերում է ուրարտական մարզպետ Սեթիմուի զորագնդին, որում ընդգրկված էին 3.000 հետևակայիններ (^UERIM.MES GIR.2.MES)՝ իրենց (^UGAR-nu) ն, այսպես կոչված kallāpu զորքերի հրամանատարներով (^UGAL kal-lab.MES): Shu L. Waterman, RCAE, No. 380; G. B. Lanfranchi, S. Parpola, SAA, V, No. 88.
49. Ասորեստանյան զեկուցագրերից մեկում, որը վերաբերում է կիմմերա-ուրարտական ընդհարմանը հաջորդած ժամանակահատվածին, խիստ վնասված հատվածում հիշատակվում են ուրարտական քանակի 8.000 զինվորներ (SAA, V, No. 92, rev., ln. 3): Ուրարտական աղբյուրների համաձայն, Բարշուա արշավող քանակի թվակազմը (հեծյալ և հետևակ) հասել է, ըստ տարրեր հրատարակչների, 12.078 ^U զինվորից (H. B. Арутюнян, Корпус урартских клинообразных надписей (КУКН), Ереван, 2001, 35, лиц. стор., текст I, стк. 14-15) մինչև 31.878 ^U (F. W. Kōnig, Handbuch der chaldischen Inschriften, I-II, 1955-1957, Graz, Nr. 7, Tafel 7) և ամգամ 61.978 ^U զինվորի՝ 106 մարտականքով (P. E. Zimansky, Ecology and Empire: The Structure of the Urartian State, SAOC, No. 41, 1985, Chicago, p. 56f. /Table 6, nt. B/): Վիսերուխի, Լուշա և Կատարգա ցեղապետությունների դեմ ուղղված արշավանքում ուրարտական քանակն ունեցել է 66 մարտականք, 15.760 հետևակային և նվազագույնը 1.460 ^U հեծյալ (КУКН, 32, стк. 13-14; 33, стк. 15-17): Ցավոք, և մեկ, և մյուս դեպքում վիմագրերն ունեն էական վնասվածքներ, ինչը թույլ չի տալիս հստակ նշել արշավող քանակի թվակազմը: Հարկ է նաև նկատի ունենալ, որ նշված թվերը վերաբերում են Իշպուփնիի և Մեմուայի համատեղ կառավարման ժամանակաշրջանին, այսինքն՝ ուրարտական պետության վերելքի սկզբնական փուլին: Պետության հզորության շրջանում ուրարտական քանակը պետք է որ ունենար թվակազմի էական աճ՝ սեփական և այլ ռեսուրսների հաշվին (ենթակա երկրների զորքեր, վարձկան ուժեր ևն):

50. LU, տող 138:
51. L. Waterman, RCAE, No. 444; G. B. Lanfranchi, S. Parpola, SAA, V, No. 87.
52. L. Waterman, RCAE, No. 506; G. B. Lanfranchi, S. Parpola, SAA, V, No. 21.
53. LU, տող 140:
54. LU, տող 105, 138, 139^Գ
55. LU, տող 136:
56. LU, տող 289:
57. LU, տող 289:
58. LU, տող 131:
59. LU, տող 136, քերական տող 104-ը, որն ունի վնասված հատվածներ:
60. LU, սաղ 85, 131^Դ
61. LU, տող 85:
62. E. Özgen, Urartian Chariot Reconsidered: I. Representational Evidence, 9th – 7th Centuries B. C., "Anatolica", vol. 10, 1983, pp. 111–131; II, Archaeological Evidence, 9th – 7th Centuries B. C., "Anatolica", vol. 11, 1984, pp. 91–154; R. Merhav (ed.), Urartu. A Metalworking Center in the First Millennium B. C. E., Jerusalem, 1991; U. Seidl, Urartu as a Bronzeworking Centre, in J. Curtis (ed.), Bronzeworking Centres of Western Asia c. 1000–539 B. C., L. –N. Y., 1988, pp. 169–175; P. E. Zimansky, Ancient Ararat: A Handbook of Urartian Studies, pp. 210–214 (նշված գրականությունը) և այլուր:
63. L. Waterman, RCAE, No. 515; G. B. Lanfranchi, S. Parpola, SAA, V, No. 164. Արքայի նշած տեղեկությունները ժամանակագրորեն համապատասխանում են LU-ի 79–90-րդ տողերում նկարագրված անցքերին:
64. LU, տող 51–54:
65. Տեքստում նշվում է. «(Արքային՝ տիրոջս, քո ստրուկ Շարրու-էմուրանին) ...քանի որ արքան՝ իմ տերը, ասել էր, – «Բել-իդդինի որդին թող գա քեզ հետ», – թող գա նա զորքերով...»: Ըստ հրատարակիչների, խոսքը միանշանակ վերաբերում է Ալաքքիայի արքայիկ Բել-ապալ-իդդինի որդուն: Մեկ այլ տեքստում Շարրու-էմուրանին Սարգոնին դժգոհություն է հայանում Բել-իդդինի որդու կապակցությամբ, որն ասորեստանյան ճամբար էր ուղարկել անփորձ երիտասարդների՝ երկրում պահելով լավագույն զինվորներին (SAA, V, No. 200):
66. A. K. G. Kristensen, Who were the Cimmerians and where did they come from? (translated from the Danish by J. Læssøe), Copenhagen, 1988, p. 42ff. ; G. B. Lanfranchi, S. Parpola, SAA, V, p. XX և այլուր:
67. H. W. F. Saggs, "Iraq", vol. XXV, pt. 2, 1963, p. 153; J. B. Smith, AIA 3, 1994, pp. 231–232.
68. К. Л. Оганесян, ИФЖ, 1966, № 3, с. 115 сл. ; он же: ВОН, 1985, № 11, с. 71 сл.
69. H. W. F. Saggs, "Iraq", vol. XXV, pt. 2, 1963, p. 153.
70. Տես նաև H. W. F. Saggs, "Iraq", vol. XXV, pt. 2, 1963, pp. 151–152.
71. Տես նաև C. von Clausewitz, On War, Princeton, 1976, pp. 245–246.
72. LU, տող 139: Հմմտ. H. W. F. Saggs, "Iraq", vol. XXV, pt. 2, 1963, p. 152; К. Л. Оганесян, ИФЖ, 1966, № 3, с. 115–116, рис. 2; он же: ВОН, 1985,

- № 11, с. 72–73, схема 1; J. B. Smith, AIA 3, 1994, pp. 231–232, figs. 22. 1 – 22. 2. 1, 22. 4. 2 – 22. 5. 1.
73. Հմմտ. H. W. F. Saggs, "Iraq", vol. XXV, pt. 2, 1963, p. 153; К. Л. Оганесян, ИФЖ, 1966, № 3, с. 116–117, рис. 2; он же: ВОН, 1985, № 11, с. 72–74, схема 1; J. B. Smith, AIA 3, 1994, pp. 231–232, figs. 22. 4. 1, 22. 5. 2 – 22. 6. 1.
74. ԼԱ, տող 125–147:
75. Մանրամասները տես Ռ. Լ. Մանասերյան, Տիգրան Մեծ. Հայաստանի պայքարը Հռոմի և Պարթևստանի դեմ, Երևան, 1987, էջ 150–157:
76. ԼԱ, տող 137–138: